

持心梵天所問經

卷二

百四十二  
及八

48204



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



持心梵天所問經卷第二

及

西晉三藏法師

竺法護譯

難問品第五

於是明網菩薩白世尊曰持心梵天而從如  
來聞說大哀所分別法不喜不感持心荅曰  
設族姓子修知二行彼人則有歡喜愁感真  
際所覩永無二事由是之故不喜不感猶如  
幻師所幻竒異之術又彼化人所行而至無  
喜無感是族姓子已得遊入諸法自然之相  
自然覩於如來所現變化不喜不感如來所  
化聞於如來所說辯才不喜不感假使如是  
分別諸法一切如幻等無差特不於如來殷

勤喜悅不於衆生有下劣意。明綱又曰：仁者以解諸幻相乎？荅曰：族姓子假使有行諸法有處，乃能問斯。又問：梵天仁何所行？荅曰：一切愚夫所遵行者，吾之所設。行在於彼，又問：愚夫行婬怒癡狐疑計身，是吾軀體，是我所有行在邪見云。何仁者行在於彼？荅曰：卿爲欲令凡夫之士至無凡夫成就法乎？報曰：吾不欲樂凡夫之士安當志于諸法成就乎？喻族姓子一切諸法無所成就，法無所住，無積聚處，無有結恨，無所亡失，亦無懷來報應，不也。荅曰：族姓子離婬怒癡不行諸法，是謂爲相。又行凡夫斯賢聖行，其有行者，則興二事。

又族姓子一切所行爲無所行一切所教爲無有教一切所處爲無所處一切所趣爲無所趣又問梵天何謂一切所行爲無所行答曰假使遵行億百千姪諸劫之數不知法性之所增減以是之故一切所行爲無所行又問梵天何謂爲一切所教爲無所教一切所

處爲無所處答曰一切諸法如來所教如來所處以是之故一切所教爲無所教一切所處爲無所處又問何謂一切所趣爲無所趣計無有人有所趣生以是之故一切所趣爲無所趣尔時世尊讚持心曰善哉善哉若欲說者當造斯講於是明綱菩薩問持心曰如

向仁者所說一切愚夫所行吾之所修行在  
于彼設使如是者則爲倒行有所獲矣答曰  
豈可遊在所生致所行也又問梵天設不由  
生焉能教化於衆生乎答曰猶若如來之所  
化生若吾如彼生又問如來所化豈有生乎  
答曰寧有變現所當現乎佛之境界誰所興  
耶報曰有現所現及與境界雖有所現爲無  
所現答曰吾之所生當在斯觀其所生者因  
緣立界又問仁者豈爲因緣生死行乎答曰  
吾無因緣生死之行又問以是之故何所因  
緣而緣境界有所恐懼答曰猶如因緣因緣  
畏懼亦復如是計無有本者無所退轉於是

耆年舍利弗前白佛言唯天中天假使有人而與斯等諸天龍俱入於言辭獲福無量所以者何如今世尊能得遠聞斯諸正士之所名号爲甚快矣何況乃值講說法乎譬如有一樹不立於地而於虛空現于莖節枝葉花實如是大聖斯諸正士之所行相當作斯觀任於諸法而現所生終始存沒周旋往來現諸佛土而以上妙如是比慧無礙辯才自在遊已已見如是智慧變化何族姓子及族姓女不發無上正真道乎

爾時會中有一菩薩名曰普華謂舍利弗今耆耆年豈不得入此法性乎佛說耆年智慧

最尊何故不堪如是感動所變化乎荅曰世  
尊說余於聲聞上知其境界又問衆可解說  
法境界乎荅曰不也又問云何耆年有所講  
說如其境界荅曰如其所入所說亦然又問  
耆年能令法性無邊際乎而造證耶荅曰如  
是又問何謂隨其所入所說亦然唯舍利弗  
隨其所入之所節限有所講說節限亦然則  
爲限節自縛法性也其法性者無有邊際又  
問普華其法性者無入相乎荅曰唯舍利弗  
假使法性無有入相然於法性無所入相仁  
何因設殷勤法性志解脫乎荅曰不也又問  
何以故荅曰爲破法性梵天荅曰唯舍利弗

若應平等順如所入法性亦如荅曰普華吾  
身欲見亦欲聞之荅曰唯舍利弗云何法性  
爲有所念一切諸法爲有所說有所聞乎荅  
曰不也又問仁者何故說言欲有所見有所  
聞乎荅曰普華世尊說曰則有二人得福無  
量專精說法一心聽者以是之故仁者講法  
吾當聽之梵天又問耆年豈能滅於思想而  
思惟定聽於法乎荅曰族姓子其滅定者無  
有二事聽法之現報曰耆年舍利弗身寧樂  
志于寂於本淨及諸法乎荅曰如是族姓子  
一切諸法本淨滅寂報曰是故耆年舍利弗  
不能堪任常定聽法所以者何一切諸法本

悉寂淨舍利弗問卿族姓子寧能堪任不從  
定起而講法乎荅曰唯舍利弗省察諸法豈  
可獲乎而仁說言不從定起能說法耶荅曰  
不然梵天又曰是故仁者一切凡夫愚戇之  
黨常得定意者年又曰凡夫愚戇以何定意  
而三昧乎荅曰一切諸法而無所趣斯曰常  
定又問如是等習凡夫愚戇及與聖賢無差  
別乎荅曰唯舍利弗誠如所云吾之所察又  
不欲令凡夫愚戇及與聖賢造若干也所以  
者何諸賢聖法無所滅除愚戇之法亦無所  
興猶法性等以斯之故無有度者則復而問  
族姓子諸法無本爲何謂耶荅曰如耆年身

所分別知豈復興發聖賢法乎荅曰不然又  
問仁爲滅除凡夫法乎荅曰不也又問豈復  
逮得聖賢法乎荅曰不也又問寧復分別凡  
夫法乎荅曰不然又問云何耆年分別知時  
荅曰如所聞法離於凡夫則爲無本平等亦  
如無有解脫滅度亦如無本亦如荅曰唯舍  
利弗其無本者無有差別不若干也其無本  
者無所歸趣所謂無本如無本者一切諸法  
悉入無本於是耆年舍利弗前白佛言唯天  
中天猶如大火熾盛赫奕無所不燒諸族姓  
子亦復如是諸所說法皆分別了一切法性  
處靡不盡世尊告曰然舍利弗諸族姓子講

說法性如汝所云

尔時跏趺菩薩謂舍利弗佛嗟仁者智慧爲尊歎於耆年以何智慧荅曰跏趺當知諸聲聞中倚于音聲但自照身而得解脫歎我於中而爲尊耳不在菩薩而有智慧也又問唯舍利弗察於智慧有言相乎荅曰不然又問其智慧者行不普乎不平等耶荅曰如是誠如所云智慧平等又問何故諸法普等乃爲智慧而反講說智慧之限荅曰然族姓子智慧法性無有邊限繫在限者從其境界因本慧行而有所入又問仁之所知其無限者而可限乎荅曰不然又問以何齊限而自繫礙

有所說乎時舍利弗默然而無言

於是賢者大迦葉承佛聖旨前白佛言唯然  
世尊明網菩薩何故号曰為明網也於是世  
尊見於耆年大迦葉請欲令眾會德本具足  
告於明網汝族姓子自現本德所造之業而  
致淨光當為天上及世間人顯示暉曜令菩  
薩眾所為善本志純淑者或發道心使得精  
進明網菩薩聞佛音詔更整衣服便從右掌  
纒網指爪尋放光明通徹無量不可稱限照  
於十方諸佛國土無有邊際而悉普周一切  
無量不可計會諸佛世界地獄餓鬼畜生群  
萌盲聾瘖瘂跛蹇疾病尪羸狂駭愚冥懷姪

怒癡裸形不蔽若飢若渴若繫若縛貧賈醜  
陋老耄年邁法應當死慳貪嫉妬犯戒瞋恚  
懈怠放意惡智無信而無博聞不知慚愧墮  
於邪見六十二疑生於八難不閑之處悉蒙  
斯光尋時皆安彼時衆生則無貪婬不患瞋  
怒不志愚癡無有結恨亦無惱熱當尔之時  
世尊之前諸來衆會菩薩聲聞天龍鬼神捷  
沓和阿湏倫迦留羅真陀羅摩睺勒比丘比  
丘尼清信士清信女普現一像悉爲金色一  
切等現相好形容皆如如來普現一等無見  
原相身如金剛一切盡坐自然蓮華珠交露  
帳衆寶之蓋一切悉等而無差別現自然身

如佛無異一切色身悉獲安隱猶如菩薩逮  
得三昧名興歡豫彼時衆會怪未曾有各各  
相見悉如世尊而無差別不復自覩疵瑕之  
體適放是光尋時下方有四菩薩自然踊出  
叉手而住各自念曰今者當禮何所如來空  
中有聲則語之曰明綱菩薩殊特光明普令  
衆會悉現一色爲如來像時四菩薩得未曾  
有則舉聲曰假令至誠吾等所建如今所覩  
色像一類無異諸法平等而無差別以斯真  
諦而無虛者吾等特當覩能仁佛瑞應之體  
設見如來當奉事之於時世尊蓮華交露師  
子之座去地七尺時四菩薩稽首佛足俱發

聲言至未曾有天中之天如來智慧不可窮  
極明網菩薩本性清淨德願乃余演其光明  
令諸衆生威容顏貌所現若茲於時世尊告  
明網菩薩汝族姓子還攝光明所顯如曜以  
作佛事多所建立令無量人志于道心明網  
菩薩聞佛教命則還攝光應時衆會一切如  
故威儀禮節復現如前如來獨處於師子床  
者年大迦葉前白佛言斯四菩薩從何所來  
四菩薩曰吾從下方異佛界來又問世界所  
名荅曰衆寶普現又問如來至真其号云何  
現說法乎荅曰号一寶盖如來于彼講法又  
問彼之世界去是遠近荅曰世尊知之又問

仁等何因至此荅曰明綱菩薩演放光明吾  
於本土見其光明下方佛國聞于能仁世尊  
明綱之名故詣此土欲覲世尊稽首奉事欲  
覩正士明綱菩薩大迦葉前白佛言衆寶普  
現世界一寶蓋佛土去是幾所佛告迦葉下  
方去此七十二江河沙等諸佛國土乃得衆  
寶普現世界一寶蓋佛所處此四菩薩從彼  
間來又問世尊幾如之頃乃達到此告曰一  
發意頃便來至斯迦葉白佛難及大聖菩薩  
大士所放光明神足聖達巍巍如是明綱菩  
薩演其光明照遠無際斯四菩薩尋即至此  
其誰見是神足威變智慧所爲而不願樂建

立大乘世尊告曰如汝所云諸菩薩行不可思議聲聞緣覺所不能及也

持心梵天所問經問談品第六

於是大迦葉謂明綱菩薩族姓子以何因緣汝現光明猶若如來威容姿顏紫磨金形衆會蒙曜色像普齊荅曰唯大迦葉當問世尊而發遣之者年尋時前問大聖佛告迦葉明綱菩薩得爲佛時當尔衆會悉紫金容咸樂一義同心篤信達諸通慧無有聲聞緣覺之名純諸菩薩大士之衆迦葉白佛其有菩薩生彼佛土便當謂之爲如來耶世尊告曰如是迦葉如尔所言便當謂之爲如來也尔時

四万四千人皆發無上正真道意願生彼土  
異口同音僉共歎曰明綱菩薩得佛道時吾  
等悉當生彼佛土於是迦葉復白佛言明綱却  
後幾如當成無上正真道為最正覺乎佛告  
迦葉白問明綱久如成佛當為汝發遣耆年  
迦葉問明綱曰仁族姓子久如當成無上正  
真為最正覺乎荅曰唯迦葉若有人問言幻  
師化人久如當成無上正真為最正覺乎以  
何荅彼報曰族姓子幻師所化虛而無實何  
所荅乎荅曰如是一切諸法猶如幻化自然  
而成何問如斯仁當久如成最正覺又問云  
何族姓子猶如幻師所化幻者寂寞不可分

別無有想念亦無言辭仁謂諸法亦如是乎  
以何限節利益衆生開導之乎荅曰如道自  
然人亦自然如人自然幻亦自然如幻自然  
衆生自然如衆生自然諸法自然亦復如此  
唯大迦葉以計於斯不當觀採有益無益亦  
不有利亦不無利無度不度又問不立衆生  
於佛道乎荅曰如來之道有立想乎報曰不  
也以是之故吾不建立衆生之類於佛道也  
亦不令志聲聞緣覺又問族姓子如今仁者  
於何所立荅曰如無本立吾之所立亦復如  
是又問如無本者則無所立亦無退還荅曰  
如是猶如無本而無所立亦無退還其無本

者亦復如茲立無所立以是之故吾謂諸法無立無退又問明綱仁者何以開化衆生而言無立無還乎荅曰其有解達志有所願微妙之事不化衆生其於諸法有退還者亦不開化又問卿族姓子不還衆生出生死乎荅曰吾亦不得於生死事亦無所見況還衆生又問仁者豈不化於終始展轉衆生之倫至泥洹乎荅曰吾亦不得泥洹亦無所見何因勸化衆生類乎譬如族姓子設無終始不得滅度今何以故勸化開導無央數人行佛道乎斯等衆生不求滅度耶荅曰假使菩薩若得生死者有泥洹也爲衆生想而言有人以

行佛道不爲菩薩不當謂之求於佛道也又  
問卿族姓子於何所行荅曰吾身所行不行  
生死不行滅度無衆生想唯大迦葉向者問  
言於何所行如此如來之所行者吾之所行  
亦從于彼荅曰族姓子如化如來不有所行  
荅曰一切衆生相亦如是是當觀之而有行  
也又問族姓子觀衆生行相如是乎何故衆  
生行婬怒癡其化如來無所染汙亦無結恨  
無所忘失是故耆年今欲相問如其所知以  
報荅之又如耆年豈爲有此婬怒癡乎報曰  
不然又問其婬怒癡寧爲盡乎報曰不然假  
使耆年無婬怒癡亦不滅除其婬怒癡徒著

何所報曰唯族姓子愚戇凡夫處於顛倒思想衆念有所慕求應與不應則便習行於姪怒癡又諸聖賢則以法律覺了顛倒便不習行思想衆念無應不應則便無復姪怒癡於迦葉意所憶云何其處顛倒而生諸法從致法耶因有所生爲無所生報曰族姓子其不有生則無所生荅曰唯大迦葉意趣云何其不有生無所有者寧有所生乎報曰不然荅曰如是唯迦葉其不有生欲令生於所有乎報曰不然又問耆年爲求所生緣是致生姪怒癡乎報曰不然荅曰以是之故唯迦葉何從得致姪怒癡乎衆生猗著致塵勞耶報曰

如是如是族姓子一切諸法本爲悉淨無婬  
怒癡荅曰吾以是故而說此言一切諸法悉  
如幻化如來自自然之相說是語時四万四千  
菩薩得柔順法忍

於是大迦葉白佛言其有目見明綱菩薩不  
歸惡趣諸魔官屬不能得便假使有人聞說  
法者斯菩薩等終不墮落聲聞緣覺所處之  
地其見教授有所講者佛已歎於明綱菩薩  
國土之德佛告迦葉明綱菩薩所遊佛土則  
所遊處開化度脫無數衆生迦葉爲見諸族  
姓子蒙光者乎荅曰已見世尊告曰假令三  
千大千世界滿中芥子斯數可知別其多少

明綱菩薩所開化人立于佛道不可計量迦  
葉欲知明綱菩薩假使衆生見其光明以權  
方便而說經法又復迦葉聽我所說此族姓  
子國土差特名德嚴淨明綱處所明綱菩薩  
六百七十万阿僧祇劫過是數已當得作佛  
号普明變動光王如來至真等正覺明行成  
爲善逝世間解無上士道法御天人師爲佛  
世尊世界名等集殊勝適詣佛樹則得爲佛  
其佛國土無有諸魔及諸魔天一切皆志無  
上正直之道其佛國土以妙栴檀而爲土地  
世界平正猶如手掌若網縵也其界衆生身  
體柔軟土地和良安隱豐熟一切衆寶合成

佛國無沙礫石荆棘之穢無有惡趣勤苦之  
患亦無八難不閑之處其佛境域悉生蓮華  
斯諸蓮華悉以寶成其華甚香若干種色世  
界廣大東西南北不可稱限普明變動光王  
如來有無央數諸菩薩衆隨其音聲佛法聖  
衆威神變化已光莊嚴逮物持戲辯才無礙  
智慧名德獲大神通降伏衆魔志意所遊常  
知羞耻精修聖明以慧教化佛言迦葉又彼  
佛土不生女人一切菩薩生寶蓮華自然長  
大斯諸菩薩以禪爲食屋宅經行床榻卧具  
宮殿浴池園觀產業譬若天上其普明變動  
光王如來所講經法無文字說唯諸菩薩蒙

佛光明適照其身即便逮得不起法忍光明  
消竭婬怒癡垢又其餘明至他佛界消滅衆  
生色欲之塵令無瑕疵斯等順律佛告迦葉  
其光明中自然演出法門之詔三十二事何  
謂三十二諸法空哉淨一切見故諸法無想  
哉離想念故諸法無願哉已度三界故諸法  
無欲哉本淨寂然諸法無怒哉蠲除衆相諸  
法無癡哉離諸幽冥諸法無來哉都無所起  
諸法當來哉順於遊觀諸法無住哉爲自然  
立諸法永度哉無去來今諸法無異哉則爲  
自然諸法無生哉爲無報應諸法無造報哉  
無所興故諸法無作哉因行而起諸法無形

哉緣念而有諸法無貌哉離諸所生諸法審  
諦哉覺了真實諸法至誠哉為同一等諸法  
無人哉無獲人故諸法無壽哉為真究竟諸  
法愚駭哉不受教故諸法護視哉蠲除諸結  
諸法無著哉為無熱惱諸法無近哉本淨無  
塵諸法一品哉真際寂然諸法擔怕哉為一  
等定諸法住本原哉因對而發諸法無本行  
哉而緣破壞諸法等御法性哉一切普入諸  
法無緣哉不相雜錯諸法覺哉順如所現諸  
法無為哉無眾事對佛言迦葉是為普明變  
動光王如來光明出皆是輩聲以斯光明而照  
菩薩因作佛事其佛國土無有魔事無所妨

廢佛言迦葉又彼如來壽無有量

於是賢者大迦葉白世尊曰設使有人欲取佛國當受清淨佛之境界亦當如斯令族姓子即當具足一切普備佛言如尔所云從不可計億百千姪諸如來所志願清淨

尔時持心梵天謂明網菩薩今者如來授族姓子決乎荅曰梵天如來皆授一切人決又問云何授決荅曰隨其所作而受報應斯為受決又問以何因故授報應決所以授於仁者之決荅曰梵天所謂緣者身無所作無口言辭意不可見是為罪福之所作乎報曰不然又問其佛道者有行相乎報曰不然道無

有形亦無所有道即無名而無行相又問設  
無有行豈可令道有行之貌而有獲乎報曰  
不然是故梵天當作斯說設無所造無有果  
報無有行貌無行貌性乃名曰道猶如道者  
獲者亦如受決亦如不以行貌而授決也又  
問族姓子不行六度無極然後受決乎答曰  
如是梵天行六度無極然後受決又復聖賢  
捨一切塵是則名曰施度無極設無所行無  
所造者是則名曰戒度無極靡所不堪是則  
名曰忍度無極假使擔怕是則名曰進度無  
極隨如應住是則名曰寂度無極而悉曉了  
是則名曰智度無極設令梵天若有菩薩而

奉行斯六度無極寧有行乎荅曰無有行也  
所以者何如應行者設有行者有所行者則  
無所行無所行者斯乃爲行荅曰是故梵天  
當建斯說無所行者則爲道行又如梵言尔  
已受決至于道乎設使法性已無本者斯無  
本者所見授決吾之受決亦復如此荅曰族  
婁子其無本者及與法性悉無授決荅曰受決  
之相亦復如是猶如無本及與法性等無差特  
於是持心梵天白世尊曰其菩薩者爲何所  
行而得受決至於無上正直真道乎佛告梵天  
假使菩薩所行不起於行亦無所滅不行於  
善亦無有惡不隨世行亦不度世無有罪行

亦無有福不犯於行亦無不犯無有漏行亦  
無不漏無有造行亦無不造不爲有行亦不  
離有不專修行不離專修無斷除行亦無不  
除無生死行亦無滅度無有是行亦無所聞  
無意念行亦無所知而不行施亦無慳貪不  
奉禁行亦無所犯而無忍行亦無不忍無精  
進行亦無懈怠不行禪定無所專一不行智  
慧亦無不智亦無達行亦無所入佛告梵天  
假使菩薩所行若茲如來則爲授斯洩矣當  
成無上正直之道所以者何設使梵天應如  
行者有所行者志有所造若行於道而起想  
行若無所想而行於道有所造行若無造行

行於道者有所放逸無所放逸有所戲樂無所戲樂斯爲道者則非道行以是之故梵天當知莫作斯觀皆度一切諸所造行則爲菩薩乃得受決又復問曰唯然世尊所謂授決而得決者爲何謂耶世尊荅曰一切諸法除諸有二則名受決於一切法而不造二則名受決於諸所起而等衆色則名受決其身口意所爲憺怕則名受決佛告梵天吾自憶念往古世時爾時有劫劫名善見而於彼劫供養七十二姪諸如來等斯諸如來不見授決復次有劫劫名善化于彼劫中加復供養三十二億諸如來等不見授決復次有劫劫名

梵歎吾於彼劫而復供侍方八千佛不見授  
決復次有劫劫名欣樂吾於彼劫加復供養  
三百二十萬諸如來衆彼如來等不見授決  
過是然後復次有劫劫名大演而於彼劫亦  
復興出八百四十萬諸如來衆吾悉供養斯  
諸如來以若干種隨其所安而奉進之又彼  
諸佛不見授決佛告梵天今吾一劫若復過  
劫說諸如來所有名号昔所供養諸佛之數  
又復在彼淨修梵行一切布施所有供具靡  
不獻進遵一切戒而悉具足奉忍辱慈離於  
結恨殷勤精進一切所聞皆包攬持一心定  
意所行寂寞坐而專思亦有講問音聲智慧

斯諸如來不見授決所以者何用所造行而有倚故梵天欲知當造斯觀皆當超度一切諸行斯乃名曰菩薩受決然後值見錠光如來尔乃獲致不起法忍錠光正覺見授決言汝於來世當得作佛号能仁如來至真等正覺明行成爲善逝世間解無上士道法御天人師爲佛衆祐當彼世時乃超衆行見六度無極所以者何皆悉棄捨一切想故無有衆想是則名曰施度無極蠲除一切所在緣使名曰戒度無極忍於諸性名曰忍度無極於一切行皆悉寂然名曰進度無極於一切念而無習行名曰寂度無極了本清淨不起法

忍是名曰智度無極見錠光如來尋則具足  
六度無極吾初發意來一切放捨所可施與  
百倍千倍万倍億倍巨億万倍喻五蓮華供  
養之德不可相比無以爲喻從初發意布施  
知足奉禁順戒忍辱仁和究竟受耻堪任於  
法精進殷勤遵修不倦禪定寂寞常無有著  
從初發意觀察智慧常不放逸計斯智慧諸  
度無極百倍千倍万倍億倍巨億万倍不可  
相比無以爲喻是故梵天當造斯觀在彼世  
時尋即具足六度無極又問世尊云何具足  
六度無極大聖告曰不念於施不著於戒不  
相忍辱不專精進禪無所任智慧無二是爲

具足六度無極又問假使具足六度無極何  
所具足荅曰設使具足六度無極便即具足  
於諸通慧又問世尊設具六度云何即便具  
足諸通慧乎荅曰梵天若等布施則等諸通  
慧如等戒者則等通慧設等忍者則等通慧  
如等精進則等通慧如等禪者則等通慧等  
智慧者則等通慧已能等此則等諸法便能  
平等於諸通慧復次梵天念具足施則具通  
慧念戒念忍念進念寂念慧悉具足者則具  
諸通慧矣離諸通慧念斯名具足六度無極  
備諸通慧也如是梵天已能具足六度無極  
則便具足諸通之慧又問云何具諸通慧大

聖告曰眼不受色耳不受聲鼻不受香口不受味身不受細滑意不受法其無有內亦無有外而不所由亦無所受亦不自念具足周辯諸通之慧已具足此名曰諸通慧也眼不著色耳聲鼻香舌味身更意法而無所著以故如來慧無罣礙所見無限達諸通慧者則復不受諸通慧也所以者何若欲成就諸通慧器則不成器而無有器已無有器則曰曝露已能平等曝露行者爲諸通慧斯無所受猶如梵天一切所爲悉依倚空空無所倚一切悉達無所不知而志求倚諸通之慧如諸通慧無所倚求又問世尊諸通慧者爲何謂

耶何因名曰諸通慧乎世尊荅曰諸通慧者  
假託名耳悉無所著普了衆行無有聲聞緣  
覺之事名諸通慧探一切念而療治之名諸  
通慧而皆分別諸所至趣名諸通慧智不可  
限曉衆生行名諸通慧分識一切隨時而學順  
有所學不復學緣覺之慧無所不達應時現  
教名諸通慧等療隨行順不失時名諸通慧  
曉知諸藥所可療者名諸通慧滅除衆病名  
諸通慧拔諸罣礙倚著根源名諸通慧常三  
昧定名諸通慧了一切法無有疑網名諸通  
慧究竟普達靡所不知開暢世間度世之慧  
名諸通慧綜練分別所說周備一切敏達梵

天是故名諸通慧於是持心白世尊曰至未  
曾有天中之天諸佛出世尊而無有心因慧名  
心心本清淨如來至真究竟曉了衆生心行  
唯然大聖若有族姓子族姓女聞諸通慧其  
誰不發無上正真道乎乃致斯類無量之德  
興發殊特於是明綱菩薩白世尊曰假使菩  
薩希望名德而志道者則爲不慕佛道不立  
大乘所以者何一切諸法則無名德無有馘  
黨天中天斯非菩薩之名德也天中天無有  
緣應尔乃名曰建志佛道因於大哀欲滅衆  
生苦患惱故忍於已勞不以厭倦不畏終始  
以無量故不斷佛教故護正法故敬聖衆故

又以善法除惡法故諸見脫門以解度故療  
除諸病令滅盡故救濟一切生善處故將順  
拯拔所愛憎故於世間法無所著故驅逐生  
死令得出故處於無為務安隱故唯天中天  
又諸菩薩不當疑望不為衆生有所造作而  
有希望亦無所疑天中天菩薩大士不以苦  
樂而患厭也天中天何謂菩薩種姓清淨世  
尊答曰菩薩不以族姓轉輪聖王不以帝釋  
梵天有所生處種姓清淨菩薩所立能具德  
本興發他人衆善之源是為菩薩種姓清淨  
又在畜生所生之處則離諸見慈悲喜護等  
與法樂除意瑕穢是則菩薩種姓清淨施為

種姓無所恡故也戒為種姓無熱惱故忍為  
種姓離瞋恚故進為種姓無懈怠故禪為種  
姓一心定故慧為種姓無闇蔽故斯為菩薩  
棄諸瑕穢不捨道心則為菩薩之種姓也不樂  
聲聞緣覺乘故

持心梵天所問經談論品第七

於是持心梵天白世尊曰溥首童真在斯眾  
會默然而坐無所言講亦不談論佛告溥首  
豈能樂住說斯法乎有所及處屈意分別溥  
首白佛世尊所因法義致正覺者又計彼法  
有言教乎告曰溥首法無言教又問其法寧  
有言辭有所思念講論說乎告曰法無言辭

無所思念亦無論說又問假使諸法無言無  
念亦無講說則不可講持心梵天謂溥首曰  
仁豈不爲他人衆生講說法乎荅曰梵天可  
講法性分別二耶報曰不然又問其法性者  
不可銜之一切法乎荅曰如是報曰若茲梵  
天法性無二然而法性銜一切法何因當爲  
他人衆生講說法乎又問溥首其有說法計  
吾我者豈不謂爲二事者乎荅曰假使梵天  
有所獲致而有所說有聽者乎又問如來豈  
不講說法乎荅曰梵天如來所說則無有二  
所以者何如來無二不造二事又問假使諸  
法無有二者誰造爲二荅曰衆生倚名而受

吾我愚駭凡夫便造二事其二事者終不爲  
二何況無數以不造二其真際者則無有二  
不造二事又問其無二者寧可知乎荅曰梵  
天假使可知則爲二事其可知者識無有二  
法知教者也如來雖說有至誠法如如來者  
則無所說所以者何又其法者無有文字又  
問如來說法何所歸趣荅曰梵天趣無所趣  
則爲如來之所說法又問如來說法豈不歸  
趣於泥洹乎荅曰梵天其泥洹者寧有歸趣  
而反還耶又問其泥洹者無有歸趣亦無還  
反荅曰如是如來說法趣無所趣又問聽  
者云何荅曰心等之故又問云何心等荅曰

如無言教亦無有所聞又問如來說法聽者何謂答曰假使於法性無所聞者又問當何因由曉了法乎答曰能分別者則不諍訟又問云何比丘喜諍訟乎答曰斯者如應此不如應是為諍訟斯有因緣此無因緣是為諍訟斯為欲塵此為結恨是為諍訟斯為善事

此不善事是為諍訟斯為奉戒此為犯禁是為諍訟斯當奉行此宜捨離是為諍訟斯有所獲此為時節是為諍訟又謂梵天有名無名興於有數合會之事是皆名曰為諍訟事如來說法無有諍訟無有漏失無有異行無衆訟理則為沙門沙門無欲平等色像又問

何謂比丘奉如來教如佛所言答曰假使梵  
天遭諸驅逐而見教戒不以為患順如所教  
而不放逸不在二慧則順言教設貪衆求入  
不以惑則順言教不諍所志則順言教若護  
法者則順言教不乱正辭則順言教又問何  
謂比丘護正法乎答曰假使普持而不乱者  
則護正法不違法性則護正法又問何謂比  
丘親近如來順教行諦答曰設使比丘而於  
諸法不遠不近亦無所見是比丘者則親如  
來奉順教也為次第行又問云何比丘奉事  
如來而侍從乎答曰梵天設使比丘身無所  
造亦無所行無言無意則奉如來為侍從也

又問何謂供養如來荅曰其不衣食恭敬承  
順者也又問誰爲見如來耶荅曰其無肉眼  
亦無天眼亦無慧眼無所倚者也又問誰見  
法乎荅曰其不滅盡緣起者也又問誰爲覩  
見緣起者乎荅曰其有平等不見起者也若  
使平等不復起者則無所生又問誰爲逮神  
通者荅曰其不起漏亦無所滅者又問誰爲  
學如來所學荅曰其無所造若無所起無所  
捨者又問何謂獲致平等荅曰於諸三界皆  
無所逮也又問何謂善開化乎荅曰於諸法  
所有無所有者又問何謂爲安乎荅曰無吾  
我者也又問誰爲脫乎荅曰不爲諸縛之所

繫綴者也又問誰滅度耶荅曰不處生死不滅度者也又問漏盡比丘爲何所盡荅曰梵天於諸所盡而無所盡則除盡漏其諸漏者則無有本了知無本此名漏盡又問何謂誠諦蠲諸言辭荅曰其能分別解諸難者又問誰爲成道荅曰愚戇凡夫乃成爲道亦不懷來於賢聖事無所歸趣曉了一切終始者也又問其誠諦者當以何見荅曰其誠諦者則無有見所以者可其習所見則爲虛妄無所觀者爲誠諦見又問何所觀者爲誠諦見荅曰於一切見而無所覩則爲諦見又問其誠諦者當於何求荅曰當於四顛倒中求又問

何故說斯爲何謂耶答曰四顛倒者推其本末彼不永存亦無有安亦無吾我無有嚴淨及與實事其無常者非常亦然其無安者非安亦然其無身者非身亦然其無空者非空亦然又若梵天於一切法無所樂者爲求聖諦其求真諦則不知苦便不斷習不造盡證不念由道又問當以何便念由道乎答曰無念造行無不造行除於二事於道無道而求道者於一切法而不可得斯乃名曰爲由道耳若於由道無所起者無所不起亦無所祈無所不祈無有生死亦無滅度所以者何亦無有起無有不起則爲名曰賢聖之道

尔時梵志大姓之子名曰普行問溥首曰何  
謂清信士而歸命佛歸命法歸命衆荅曰設  
族姓子不興二見斯清信士則歸命佛應歸  
命法及與聖衆不自見身不覩他人亦不見  
佛不自覲已亦不見法則不覲已不見聖衆  
則不覲已不興諸見則清信士為歸命佛及  
法聖衆設清信士不入志慕如來之色亦不  
志于痛想行識亦無造行亦無所知志趣如  
來是則名曰歸命於佛而於諸法無所想念  
而於諸法無所同像亦無比類是則名曰為  
歸命法於諸有形而無所倚亦不志樂於有  
形者亦不志樂於無有形是則名曰歸命聖

衆若清信士不得於佛亦不得法及與聖衆  
則爲歸命佛法聖衆普行菩薩而又問曰假  
使菩薩志求佛道爲奚所祈荅曰則爲祈空  
所以者何道等如空又問云何菩薩謂求道  
者荅曰設使菩薩於一切求而無所求了知  
諸法已知諸法則了衆生是爲菩薩志祈佛  
道於是普行菩薩白世尊曰唯然大聖何故  
菩薩名爲菩薩佛告族姓子假使菩薩覩邪  
見類興發愍哀而爲分別正見之事誘進衆  
生使入正道是故菩薩爲菩薩也所以者何  
其菩薩者亦無有御亦無不御爲衆生故而  
心發願爲若干種墮於邪見衆生之故而逮志

願故族姓子菩薩為墮邪見衆生而發愍哀建立  
道志故為菩薩也於是道意菩薩白世尊曰我  
各志樂所名菩薩佛告若欲樂者可說之耳道  
意白佛譬如世間男子女人晝夜精進奉八關  
齋無所毀失亦不缺戒如是大聖行菩薩者從  
初發意未成正覺常八關齋是故名曰為菩薩  
也堅意菩薩曰假使菩薩堅固之性行慈自足  
是故名為菩薩也度人菩薩曰譬若如船又如  
橋梁若有人來悉過度之不以勤勞亦無想念  
其有喻心如足行者是故名曰為菩薩也棄惡  
菩薩曰假使菩薩適能等立於佛土者則能蠲  
除一切衆惡斯則名曰為菩薩也光世音菩薩

曰假使衆生適見菩薩則得歸趣志于佛道但  
察名号則得解脫斯則名曰爲菩薩也得大  
勢菩薩曰舉脚經行三千大千佛之世界一  
切魔宮悉爲之動是則名曰爲菩薩也患厭  
菩薩曰假使江河沙劫彼於晝夜殷勤精進若  
十五日旦夕造行若於一月若十二月若於一  
年設若千年億百千歲乃有佛興若復施與  
江河沙劫等諸如來淨修梵行然後受決則  
爲衆生而發大哀建立於道亦不想念無有  
放逸亦無所疑心不懈厭斯則名曰爲菩薩  
也導師菩薩曰假使衆生墮邪道者爲發大  
哀立之正道不以戲逸有所希望斯則名曰

爲菩薩也大山菩薩曰其於諸法等如火山  
而無想念斯則名曰爲菩薩也鈎鎖菩薩曰  
其有所見亦不覩除一切塵勞斯則名曰爲  
菩薩也勇心菩薩曰假使以心念一切法而  
發忍辱無所增減斯則名曰爲菩薩也欲師  
子變菩薩曰其無恐懼而無畏者於深妙法  
降化諸外異學斯則名曰爲菩薩也無念菩  
薩曰假使以心入於心者而無有念亦無不  
念斯則名曰爲菩薩也善潤天子曰假使生  
於諸天宮殿而無染汙亦不歸於離欲之法  
斯則名曰爲菩薩也誠言菩薩曰假使轉行  
於至誠者其言所入如審諦者亦無不諦斯

則名曰為菩薩也愛敬菩薩曰見一切色悉  
如佛像斯則名曰為菩薩也常慘菩薩曰見  
于衆生投於終始一切諸樂而不興樂我當  
度脫於衆生類斯則名曰為菩薩也莫能當  
菩薩曰唯然世尊不為欲魔之所危陷斯則  
名曰為菩薩也常笑喜根菩薩曰踊躍無量

諸根欣悅具足已願所作已辦斯則名曰為  
菩薩也壞諸疑網菩薩曰其不離意亦無狐  
疑於一切法斯則名曰為菩薩也師子童女  
曰其無女法無男子法而能示現若干種形  
開化衆生斯則名曰為菩薩也寶女曰不以  
珍寶而有所樂唯樂三寶佛法聖衆斯則名

曰爲菩薩也離憂施清信士曰設無顛倒亦無迷惑菩薩於道求一切法而無所得亦無所起亦無所滅斯則名曰爲菩薩也賢護長者曰設使菩薩假以名号導御衆生至於佛道斯則名曰爲菩薩也寶月童女曰假使常遵童真梵行所施平等無所想念而不習欲何況志求於財富乎斯則名曰爲菩薩也香華菩薩曰如忉利天子而以戒香熏塗已形爲菩薩者無異香流惟以戒禁之法香也斯則名曰爲菩薩也造樂菩薩曰其不志樂於異法者唯志三法奉侍於佛講說經法教化衆生斯則名曰爲菩薩也持心梵天曰假使

菩薩不志於法亦不慕於諸佛訓典欽尚光明而入趣者斯則名曰為菩薩也慈氏菩薩曰假使菩薩覩見衆生行慈三昧得濟衆生斯則名曰為菩薩也傳首童真曰假使菩薩說一切法亦無所說復無法想亦不興發諸法之念斯則名曰為菩薩也明綱菩薩曰假使菩薩所有光明滅諸欲塵斯則名曰為菩薩也普華菩薩曰在於十方諸佛國土見諸如來猶如衆華斯則名曰為菩薩也如是諸菩薩各各辯現陳唱本志於是世尊告普行菩薩假使菩薩為諸衆生忍衆惱患則不志失一切德本而不棄捨衆生之類斯則名曰

為菩薩也

持心梵天所問經卷第一

及

姪數也

赫弈亦呼客反下音

曼網上莫官反

曼網反

曼網反

菩薩如手有也

拍爪巧反

跛蹇上必我反

跛蹇反

跛蹇反

跛蹇反

行不

疋羸上紆荒反弱也

裸形即果反

裸形反

裸形反

裸形反

裸形反

今之或作胡瓦

考毫貞報反

年邁往也

年邁反

年邁反

年邁反

徙著上斯反

紫沙礫下音

荆棘上音

荆棘反

荆棘反

荆棘反

荆棘反

露上蒲木反

探土含反

繫綴下知反

覲下徒歷反

覲反

覲反

覲反

為奚猶向也

常慘七感反

危陷咸字去

危陷反

危陷反

危陷反

危陷反

